

Til grunneigarar, offentlege etatar, lag, organisasjonar, bedrifter og andre med verksemd i Hovden landskapsvernområde, Vidmyr naturreservat og Lislevatn naturreservat

Dykkar ref.

Vår ref. (oppgi ved svar)
Sak nr. 2014/2596 / FMROAOD

Dato
20.09.2016

HØRING AV FORSLAG TIL FORVALTNINGSPLAN FOR HOVDEN LANDSKAPSVERNOMRÅDE, VIDMYR NATURRESERVAT OG LISLEVATN NATURRESERVAT I BYKLE KOMMUNE

Verneområdestyret sender med dette forslaget til forvaltningsplan for Hovden landskapsvernområde, Vidmyr naturreservat og Lislevatn naturreservat ut på lokal og sentral høring. Høringa er open slik at alle som ønskjer det kan komme med uttale.

Verneområdestyret vil gjere merksam på at det til den endelege utgåva av forvaltningsplanen, vil gjennomført ei oppretting av skrivefeil og alle vedlegg vil komme på plass.

Vi ber om kommentarar og innspel på mellom anna følgjande tema:

- Faktafeil, feil namnbruk m.v.
- Tema som ikkje er tilstrekkeleg omtalt i forvaltningsplanen
- Konkrete innspel på planen sine framlegg til forvaltningsmål, retningslinjer og tiltak

Fristen for å komme med uttale er sett til **31. desember 2016**.

Du kan komme med uttale på følgjande måtar:

E-post: alf.odden@svr.no

Brev: Alf Odden, SVR, Sandsveien 11, 4230 Sand

Telefon: 48044583 (Verneområdeforvaltar Alf Odden)

Personlig fram møte: Verneområdeforvaltar Alf Odden vil ha open kontordag på Hovden grendehus torsdag 8. november kl 12.00-18.00.

Det blir skipa til eit ope folkemøte om forvaltningsplanen på Hovden Grendehus kl 19.00.

Desse arrangementa vil og bli anonsert nærare etter kvart.

Etter høringsfristen vil verneområdestyret gjennomgå og samanfatte dei innkomne merknadane, og gjere naudsynte endringar i planen. Endeleg forvaltningsplan skal godkjennast av Miljødirektoratet.

Du kan få tilgang på forslaget forvaltningsplan på følgjande måtar:

Planen kan lastast ned elektronisk frå verneområdestyret sine nettsider www.svr.no under fana Forvaltningsplan Hovden.

Du kan få planen tilsendt på papir eller elektronisk ved å kontakte verneområdestyret ved: Verneområdeforvaltar Alf Odden, e-post: alf.odden@svr.no, tlf: 48044583

Planen ligg og ute til gjennomsyn i Bykle kommune og på Bykle kommune sine nettsider

Bakgrunn

Verneområdestyret for Setesdal Vesthei, Ryfylkeheiane og Frafjordheiane overtok forvaltningsmynde for dei tre verneområda ved Hovden hausten 2015. Etersom det ikkje låg føre ein forvaltningsplan for desse verneområda, bestemte verneområdestyret at arbeidet med ein slik plan måtte settant i gong så fort som råd.

Prosess

Verneområdestyret starta arbeidet med den reviderte forvaltningsplanen gjennom formell melding om oppstart 17.02.2016. Etter dette har det vore gjennomført to opne informasjonsmøter om planen. Eit forslag til forvaltningsplan vart utarbeidd i løpet av våren 2016, og sendt til Miljødirektoratet for fagleg godkjenning. I medhald av brev frå Miljødirektoratet 29.08.2016 fekk verneområdestyret klarsignal til å sende forslaget til forvaltningsplan ut på høring.

Om forvaltningsplanen

Ein forvaltningsplan skal være eit praktisk hjelpemiddel til å oppretthalde og fremme verneføremål og verneverdiar. Samstundes skal den bidra til å sikre ei heilskapleg forvaltning ved å gje konkrete retningslinjer for praktisering av verneføreskriftene, samt å avklare kva som kan tillatast av verksemd og tiltak. Forvaltningsplanen må utarbeidast innanfor rammene av verneføreskriftene. Planen vil og bli eit nyttig og praktisk arbeidsverktøy for forvaltningsstyresmakta i den daglege sakshandsaminga. For grunneigarar, rettshavarar og andre brukarinteresser i området vil forvaltningsplanen kunne bidra til ei meir forutsigbar forvaltning, og fungere som eit oppslagsverk når dei planlegg tiltak i verneområda.

Med vennleg helsing

Bjørn Laugaland
Styreleiar SVR

Alf Odden
Verneområdeforvaltar

Dette dokumentet er elektronisk godkjent og sendes ut utan signatur.